

rum sexaginta librarum cere; pro cereo pasicali prefato. de pecunia Curie emendarum per Inquisitionem exinde faciendam, cui Interesse non possumus aliis Curie servi-
tiis occupati Inquisitionem ipsam vobis de quo in hac parte confidimus duxerimus pro parte Curie fiducialiter committendum; mandantes vobis ex Regia parte, commissa nobis auctoritate, quatinus adhibito vobis testimonio pu-
blico si notorium est quod tam ipsi archipresbiter et Ca-
pitulum quam predecessores eorum quartam partem de-
cime baiulationis dohane et aliorum veterum Iurium Curie in Barolo Tarenos auri quindecim ponderis generalis de
veteri buccaria ipsius terre et libras de cera sexaginta pro dicto pasicali cereo. emendas de petitione Curie a pre-
dictorum Catholicorum Regum Sicilie temporibus usque per totum annum quinte Indictionis. ratione ipsius maioris.
barolitane ecclesie annis singulis consueverunt a Curia percipere et habere per homines fidedignos. huius rei con-
socios per quos melius exinde veritas possunt Indagari. Recepto primo ab ipsorum quolibet de veritate dicenda corporali ac debito de Santa dei evangelia Iuramento di-
ligentissime Inquiratis querentes ab eis de causa scientie. loco et tempore et aliis circumstantiis diligenter. Quam Inquisitionem in publicam formam redactam nobis ad Curiam mittere procuretis. ut visis et plenius discussis
mentis Inquisitionis ipsius ad exequutionem dicti Capituli contentis in dictis lieteris commissionis nostre super nego-
tio decimarum informati cautius procedere valeamus; pro-
viso attenctius ne aliquid contra quod Inde inveneritis et scripseritis per alium valeat ullo unquam tempore inveniri.
cum Inde vobis totaliter Incumbamus. Datum Baroli. Quin-
todecimo Madii sexte Indictionis. Ad quarum lieterarum exequutionem. dictus Iudex Matheus cupiens procedere tam debite quam devote nos pro parte requisivit ut in exequutione lieterarum ipsarum sibi assistere deberemus.
visuri et audiri Imquisitionem quam exinde in nostro te-